

Voyaga etmaganlar ishlari bo'yicha Qoraqalpog'iston Respublikasi idoralararo komissiyasi

 Image not found or type unknown

Shamshetov Qallibek Ken'esbaevich

Voyaga etmaganlar ishlari bo'yicha idoralararo komissiyalar to'g'risidagi

NIZOM

1-bob. Umumiy qoidalar

1. Ushbu Nizom voyaga etmaganlar ishlari bo'yicha respublika idoralararo komissiya (keyingi o'rinlarda — Respublika komissiyasi), Qoraqalpog'iston Respublikasi, viloyatlar va Toshkent shahar (keyingi o'rinlarda — mintaqaviy komissiyalar), tuman (shahar) (keyingi o'rinlarda — tuman (shahar) komissiyalari) idoralararo komissiyalari faoliyatini tashkil etish tartibini belgilaydi.

2. Respublika komissiyasi, shuningdek mintaqaviy komissiyalar, tuman (shahar) komissiyalari (keyingi o`rinlarda — hududiy komissiyalar) o`z faoliyatini jamoatchilik asosida amalga oshiruvchi organlar hisoblanib, ular:

voyaga etmaganlar o`rtasida nazoratsizlik, qarovsizlik, huquqbuzarliklar va boshqa g`ayriijtimoiy xatti-harakatlarning oldini olish, ularga imkon tug`diruvchi sabablar va sharoitlarni aniqlash hamda bartaraf etish;

voyaga etmaganlarning huquqlari, erkinliklari va qonuniy manfaatlarini himoya qilinishini ta`minlash;

ijtimoiy jihatdan xavfli ahvolda bo`lgan voyaga etmaganlarni ijtimoiy-pedagogik rehabilitatsiya qilish maqsadida tuziladi.

Hududiy komissiyalar o`z faoliyatida yuqori turuvchi komissiyalarga hisobdordir, o`z faoliyati to`g`risida har chorak yakunlari bo`yicha ularni xabardor qilib turadilar va hisobot berib boradilar.